

1. 各位註冊技工！話咁快又三年啦，係時候去幫 註冊車輛維修技工 嘅證件續期啦！
成日都有人話 每次都要郵寄表格好麻煩，幾時先可以網上交申請表架 !!
就係而家!!註冊車輛維修技工嘅 網上續期服務 正式推出啦!!!
申請過程方便快捷， 只要用智能手機就可以遞交申請啦
2. 首先，申請人只要下載智方便嘅手機應用程式
可以用 呢個 二維碼 下載智方便
然後，申請人須親身到自助登記站或者去任何一間郵政局登記 智方便 plus 之後填表就得架喇
下邊有智方便 plus 登記服務 嘅二維碼
可以睇返登記智方便 plus 嘅地點
3. 下載完應用程式後，打開智方便手機應用程式，會出現呢個嘅介面
喺網上服務揀全部，再喺搜尋到打 機電工程署
喺下邊嘅表格入邊揀返「機電工程署（ 規管服務 ）網上註冊服務-綜合」
如果係用網頁版嘅話，可以用下面嘅連結登入，申請嘅過程大致上同手機版相似
4. 之後就要揀返申請人嘅身份，係 「車輛維修技工及車輛維修工場自願註冊計劃」-下面揀返「註冊車輛維修技工」，
揀好身份之後揀下一步，會出現新嘅介面，
申請人要揀左上角，之後再揀 提交電子表格，喺 表格二 果格揀開始
5. 申請人要先閱讀表格二相關填寫須知，之後拉到最低
可以揀「智方便填表通」或者「不使用智方便填寫」
如果想自己填寫個人資料，就可以揀「不使用智方便填寫」

如果揀智方便填表通 就會彈出 - 授權「智方便」提供「填表通」內的資料
之後要揀 「開啟智方便」手機應用程式

會返到「智方便」嘅主頁，再揀立即授權

系統會填寫申請人嘅個人資料，好似電郵地址、流動電話號碼同埋郵遞地址
之後再揀「同意」
6. 介面會去到個人資料部份，申請人要先睇吓資料有冇錯誤或缺失，如果無問題就揀「下一步」

之後，表格會自動顯示上次申請時填報嘅公司資料，如果要更改現職公司資料，就要 tick 返「更改現職公司」，在「更改現職公司類別」揀「待業」、「以註冊車輛維修工場的註冊號碼搜尋現職公司資料」或者「填寫現職公司資料」，去更新工作資料，無問題就揸「下一步」

就會去到註冊資料部份，會顯示申請人嘅註冊號碼，已註冊嘅服務類別及首項服務，如果無問題就可以揸「下一步」

7. 之後會去到車輛維修工作經驗，申請人可以用「VMW 工場註冊號碼」去填寫過往 3 年曾任職嘅公司，

如果申請人喺過去 3 年，係 2 間或者以上公司工作，可以揸「新增工作經驗」去填寫每項工作經驗，完成後按「下一步」

會去到有關公司諮詢人的聯絡資料，就每項工作經驗，申請人都須要輸入公司諮詢人的資料包括姓名、職位、電話號碼、同埋地址

如過去 3 年，係兩間或以上公司工作，可以揸「新增聯絡資料」以填報每間公司的諮詢人，完成後按「下一步」

8. 之後，申請人要輸入過去三年註冊期內的持續進修時數，如果係用機電工程署的學習平台 - 「VM 加分站」進修，申請人可以同時輸入登記嘅電郵，唔洗再額外交「VM 加分站」內所完成的持續進修紀錄，輸入後按「下一步」

如果未夠持續進修時數可以係「VM 加分站」完成，

「VM 加分站」係免費網上進修平台，每個課程附帶有 5 或 10 條選擇題，答全對有 1 或 2 小時持續進修時數。方便技工累積 20 小時的持續進修紀錄，如果未夠持續進修時數就快啲掃呢個嘅二維碼啦 !!

9. 最後，申請人要上載相關證明文件
申請人要上載 工作證明，持續專業進修紀錄 同埋一張尺寸 3.5cm x 5cm 嘅彩色近照

然後，申請人要須勾選聲明選框「本人已閱讀及明白上述聲明，並同意向機電工程署提供

上述資料」，再揸「智方便數碼簽署」，去遞交申請

10. 之後，網上系統會顯示識別碼，
申請人喺「智方便」流動應用程式上，授權進行數碼簽署

已簽署的數碼證書會交回到網上服務系統，

完成申請後，頁面會顯示「申請已收到」的信息及申請人的申請編號。

申請人要保留申請編號，方便日後查詢，咁整個申請就完成架喇。

11. 最後，如果有咩問題可以透過電話, WhatsApp, 傳真 或者電郵聯絡我哋